



Lotemer Barock

Van Winkels Addo



An de Eck am Lotemer See schteet en Hovel Lütt on sind am dispetiere, över de nöje Hüüser, die se doohin jesat hant woo vröjer dä Franz Schmitz sin Börro hat. "Endlich einmal eine neue Wohnkultur" seit ene van die jonge Lütt, "ich bewundere den Mut der Architekten !"

"Du hässe wal net all om Kresboom", seit ene alde Lotemer, "kiik desch dat mar ens aan, Baracke uut Jlass, möt dr Kamin nääve de Düür. Dat de Stadt doovüür överhaups de Jenehmijung jejoove hät !" On Trinke mende: "on doobeej noch möt oone Panne om Daak, blos effe Bläak. Es dat dann jät, dat süt uut wie op en Booschtell. Doo mööt esch noch net ens dren avjemolt sin. !"

E jong Weejt seit: " Ich finde es herrlich, in so einem Haus zu wohnen, schön hell, duftig und luftig !" - On dä Buur sat noch eene drop: "Joo, danne könne beej ene schtärke Wenk kin Panne mier vleeje jonn. Äver dat sind doch kin Hüüser. Esch weet, wooröm die dat maake: die sind te vuul, die Barake hengenoo wier avterüüme;die loote die dann shton on

die Lütt, die doo enträcke, meene, dat wür jät Extras !"

Doodrop seit dat Weejt: "Sie müssen das anders sehen. Ich finde der neue Lotemer Wellblechbarock ist total irre !" - Du sät dä Buur: "Esch weet och, woröm du dat irre fengs. Doo kanse van onge kiike on süs, wie se doodren hin und her loope on am hantiere sind, wie en ene Aapeschtall. On wennse wells, kannse se och vör dr Karakter kiike, wenn se nix aan hant. On dat fengs du irre. Hüür mesch op, wet dr Deiwel,wat die sesch om Börro doobeej jedeit hant."

"Dat kann esch desch saare", mende Trinke, "die hant sesch nix doobee jedeit, weil dat die kin Ahnung hant, on die woone joo net heej, on dröm es danne dat och ejaal, wie dat uutsüt. Die wääde joo och noch van os doovür betalt. Äver die vrkoope dat als Wohnkultur."

So es dat nou ens . wat däm eene sin Üll, es däm angere sin Nachtijall. Wä noo Reit hät, es noch net eruut. Vleets wääde jetz nööje Hüüser em Lotemer Barock jeboot. Wüür dat jät, oder net...? ■